

Ilanngussaq 1

Qarasaasiamut nuussuinnermut attuumassuteqanngitsut, Ukiunilu kingulliunerusuni Danmark-imi suliarineqartut, umiarsuarnik nalunaarsuineq pillugu, umiartorneq pillugu inatsimmi maleruagassanik aaqqiinerit misissorneqarnerat

Sapinngisamik maleruagassanik assigiissaarinissamik qulakkeerinissaq siunertaralugu, ilaatigut Danmark-ip Kalaallit Nunaatalu akornanni umiarsuit nalunaarsuutaannik nuussisarnissamik piuminarsaasussat, ataani aaqqiinerit aamma Kalaallit Nunaannut atuutilersinneqartussat siunnersuutaapput.

Nunani allamiut piginnittut umiarsuaatimik qallunaat erfalasoqalersinnissaannut periarfissaat pillugit maleruagassanik aaqqiinerit erseqqissaanerillu (Umiartorneq pillugu inatsimmi § 2)

Umiarsuit nalunaarsuviannut umiarsuup allatsissinnaanissaanut piunasaqaatit allamiut umiarsuaatileqatigiiffiisa naammassisassaannut sulianut erseqqissunik piuminarnerusunillu piunasaqaasiornissamut erhvervsminister-i 1. januari 2018-imiit inatsisitigut tunulequtassinneqarnissaa siunertaralugu 2017-imi qallunaat umiartorneq pillugu inatsisaat allanngortinneqarpoq. Tamanna allanngiineq aammattaaq Kalaallit Nunaannut atuutilersinneqartussat siunnersuutaavoq.

Inuiaassusermut uppernarsaatit umiarsuarmiitinneqarnissaat il.il. pillugit piunasaqaammik atorunnaarsitsineq. (Umiartorneq pillugu inatsimmi §§ 3, 19 aamma 20)

Inuiaassusermut uppernarsaatit pappialanngorlugit atortuulersinneqassaarput. Taamaattumik umiarsuup piiarneqarnissaanik nassataqartartoq umiarsuarmi inuiaassusermut uppernarsaatit umiarsuarmiinnissat nalunaarutiginninnermilu tunniunneqarnissaat pillugu Kalaallit Nunaannut atuuttumi umiartorneq pillugu inatsimmi piunasaqaatit pisariaarupput. Piunasaqaatit 1. januari 2018-imi Danmark-imi atorunnaarput aammalu Kalaallit Nunaannut atorunnaarsinneqarnissaat siunnersuutaalluni.

Akunnattumik angissusilinni sunngiffimmik angallatini piginnaatitaaffinnik nalunaarsuineq piunarsagaq (Umiartorneq pillugu inatsimmi §§ 10, 13 aamma 18 aamma peqqussummi § 3-mi ikaarsaarnermi maleruagassaq)

Qallunaat umiartorneq pillugu inatsisaat 2017-imi allanngortinneqarpoq, taamaalilluni 1. marts 2018-imiit umiarsuarnut nalunaarsuivimmi akunnattunik angissusilinnik tassa minnerpaamik 5 aamma 20-mik minnerusumik bruttotonnage-linnik allatsittoqarsinnaajunnaarluni. Taamaattumik angallatini taamaattuni pant-inik nalunaarsuineq ullumikkut Personbogen-imi pisarpoq. Tamanna umiarsuarnik nalunaarsuivimmut nalunaarsuinnermit ingerlatsinikkut piuminarneruvoq. Personbogen-imi piginnittuussuseq nalunaarsorneqarneq ajorpoq,

eqqartuussivinnilu nalunaarsuinermit atatillugu piginnittuusimasut tullerriiaarnerinut uppernarsaatinik saqqummiussuisariaarulluni.

Tamanna akunnattumik angissusilinnik angallatinut piginnaatitaaffinnik nalunaarsuinermit ingerlatsinikkut piunarsaaneq aamma Kalaallit Nunaannut atuutilersinneqassasoq siunnersuutaavoq. Allannguut Kalaallit Nunaanni sunngiffimmi angallatinut akunnattumik angissusilinnut 100-t missaanniittunut, ullumikkut umiarsuit nalunaarsuivianni nalunaarsorsimasunut, sunngiffimmilu angallatinut nutaanut, sunniteqalertussaavoq.

Allannguummut peqatigitillugu atuutilersinnaasumik, pant-i pillugu Kalaallit Nunaannut nalunaarummi nr. 435, 27. novemberi 1967-imeersumi allannguummik suliaqartoqarnissaa, allannguummi aalajangiisuussaaq.

Aammattaaq kalaallit sunngiffimi angallataannut, ullumikkut umiarsuit nalunaarsuivianni nalunaarsorsimasunut, Danmark-imi ulloq 1. marts 2018 atuutilersinneqartumut assingusoq ikaarsaarnermi aqqissuussineq siunnersuutaavoq.

Umiarsuarnik nalunaarsuinermit suliaqarfimmi FN-ip aamma EU-p pillaatissiisutaannik naammassinninnerit (Umiartorneq pillugu inatsimmi §§ 11 a aamma 17 a)

Umiartorneq pillugu inatsit 1. januari 2018-imi imaalillugu allanngortinneqarpoq, umiarsuarnik nalunaarsuisoq umiarsuit, FN-imit imaluunniit EU-mit aalajangigaasumik killilersuinermit pineqaatissiiffiginninnernut ilaatinneqartut, imaluunniit inunnit imaluunniit “juridiske person”-init (tassa peqatigiiffiusinnaasunit, suliffeqarfiusinnaasunit pisortaqarfiusinnaasunilluunniit) pigineqartut, killilersugaanermik pineqaatissiiffiginninnernut ilaatinneqartut, nalunaarsuivimmiit piiarnissai pillugit aalajangiinissamat piginnaatitaaffilerneqarluni.

Umiarsuit taamaattut nalunaarsuivimmut allatorneqarsinnaannginneri pillugit umiarsuarnik nalunaarsuisartoq tamatumunnga peqatigitillugu aalajangiisarnissamat piginnaatitaaffilerneqarpoq, soorlutaaq umiarsuarnik nalunaarsuisartoq, umiarsuaq, killilersuutininik pineqaatissiissutinik unioqutitsisoqassappat, nalunaarsuivimmiit piiarneqarsinnaannginneranik aalajangiisinnaasoq.

Tamakkua piginnaatitsinerit aamma Kalaallit Nunaannut atuutilersinneqassasut siunnersuutaavoq.

Angallatinut nalunaarsuinermit tunngatillugu iluarsisutit (Umiartorneq pillugu inatsimmi § 12)

1. januari 2018-imi Danmark-imi umiartorneq pillugu inatsit allanngortinneqarpoq, taamaalilluni angallatinut nalunaarsuivimmut allatsinnermi – soorlu umiarsuit nalunaarsuivianni allatsinnermi

atuutereersoq – nunani allani oqartussaasuniit nalunaarsuivimmit piiagaasimanermut allagartamik amigaateqarnera pisuni immikkut ittuni apeqqutaatinneqannginnissaa periarfissaalerluni. Tamatumunnga peqatigitillugu umiartorneq pillugu inatsit iluarsineqarpoq, taamaalilluni piginnaatitaaffinnik peersitaanermut taarsiivigitinneq pillugit maleruagassat immikkut ittut angallatit nalunaarsuiviannut nalunaarsortinnermi atuutissanatik. Tamanna pissuteqarpoq angallatit nalunaarsuiviannut allatsinneq piginnaatitaaffimmik nalunaarsuinerunngimmat, peqataasunut avataaniittumit tunngaviginiarneqarsinnaasoq, imaluunniit allat piginnaatitaaffiinit peersitaanermut tunngaviulersinnaalluni.

Tamakku aaqiinerit Kalaallit Nunaannut atuutilersinneqarnissaat siunnersuutaavoq.

Umiarsuarnut nalunaarsukkanut ukiumoortumik akitsuutip allangortinneqarnera (Umiartorneq pillugu inatsimmi § 15 a)

1. marts 2018-imi umiarsuarnut niuffagiutinut aamma umiarsuarnut aalisariutinut 30-t inorlugit bruttotonage-linnut ukiumoortumik akitsuut 300 kr.-inut apparneqarpoq.

Kalaallit Nunaanni angerlarsimaffilinnut piginneqatigiiffinnut imaluunniit assigisaannut, Kalaallit Nunaanni najugaqartunit inunnit pigineqartunut, Kalaallit Nunaanni angerlarsimaffeqartunut umiarsuarnut akitsuut atuutinngilaq.

Taamaattoq ataasiakkaanik umiarsuaqarpoq Kalaallit Nunaanni angerlarsimaffeqartunik, umiarsuit inunnit Kalaallit Nunaanni najugaqanngitsunit, imaluunniit piginneqatigiiffinnit imaluunniit assigisaannit Kalaallit Nunaanni angerlarsimaffeqanngitsunit pigineqartunik.

Akitsuutip appartinneqarneranik aammattaaq umiarsuit ataasiakkaat iluaquserneqarniassammata allannguutit Kalaallit Nunaannut atuutilersinneqassasut siunnersuutaavoq.

Eqqartuussisulersuussiffigerusutaq sumiiffik (Umiartorneq pillugu inatsimmi § 43)

2016-imi qallunaat umiartorneq pillugu inatsisaat erseqqissarneqarpoq, tassani ersarissisinneqarluni, umiarsuarnik nalunaarsuisartup umiartorneq pillugu inatsit naapertorlugu aalajangiinera, umiarsuup piginnittua umiarsuaatileqatigiiffik, Danmark-ip avataani angerlarsimaffeqarpat, Østre Landsret-imut ingerlatinneqartassasoq.

Umiarsualivinnut akitsuutit (Umiartorneq pillugu inatsimmi § 51)

1. januari 2018-iminngaaniit umiartorneq pillugu inatsit ilaatigut umiarsualivinnut akitsuutinut akilerneqanngitsunut umiarsuaq nammineerluni pant-inngortarnissaa (tassa nammineerluni umiarsuup qularnaveeqqusiunneqartalernissaa) pillugu aalajangersakkamut



naleqqiullugu allangortinneqarpoq. Allanguut peqquteqarpoq, nassuiaatit malillugu pisortat umiarsualiviinut taamaallaat aalajangersagaq attuumassuteqarmat, imatut paasillugu, inatsit imaluunniit pisortanit maleruagassiat malillugit akitsuutit. Allanguutikkut pisortanik aamma namminersortunik tunuliaqutaqarluni umiarsualiviit aqqissuussat naligiissinneqarput. Taamaalilluni paatsuugassaangitsumik ersippoq, namminersortut soorluttaa pisortat umiarsualivinni akitsuutaat umiarsuit qularnaveeqqutaanerisigut qulakkeerneqartut.

Tamanna aamma Kalaallit Nunaannut atuutilissasoq siunnersuutaavoq.